

Minister President Henny Eman

BAN CELEBRA CARNAVAL ALEGRE Y SIGUR



ORANJESTAD (AAN): Den combersacion cu Minister Presidente Henny Eman, DIARIO a tuma nota di e forma cu Minister Presidente di Aruba ta wak celebracion di carnaval na Aruba. Den su bista carnaval ta un di e fiestanan mas popular na Aruba y cu mas ta hala atencion di hende den exterior.

No ta nada straño pa nos promer minister cu carnaval a crece y bira algo asina bunita y grandi na Aruba. "Ora nos

hendenan pone pa haci algo nos ta hacie bon. Carnaval ta un di e hopi ehempelnan di esaki. Durante di carnaval nos ta wak cuanto hende ta traha hunto, cuanto creatividad y inventividad ta sali for di nos hendenan. Cuanto nos por haci voluntariamente. Pa un isla chikito manera Aruba crea e atencion y interes cu nos ta haya rond di mundo pa nos fiesta di carnaval ta nifica cu nos ta celebre na un forma unico y bunita. Pone acerca e bon nomber cu nos tin como isla sigur y amical, no ta nada straño cu tin tanto atencion pa Carnaval di Aruba."

CULTURA: Segun Promer Minister Henny Eman e forma cu nos ta biba, traha, produci, pensa, duna balor na cosnan rond di nos ta refleha nos cultura. E interes y atencion cu nos ta duna na celebracion di carnaval ta asina grandi cu el a bira sigur parti di e actividadnan importante den nos comunidad.

Di e forma aki carnaval a bira parti di nos cultura cu ta sigui desaroya. Pero mas importante ta cu nos a haci di

carnaval nos propio fiesta, cu nos propio caracter y acentonnan. Esaki ta socede den comunidatnan dinamico y progresivo manera Aruba. "Den caso di Aruba nos a conserva nos cordialidad y hospitalidad natural y añadi na dje experiencianan nobo. Esaki ta haci Aruba asina unico. Un pais pa ta orguyoso di dje" segun Minister Presidente Henny Eman.

SEGURIDAD Y RESPONSABILIDAD: Den tempo di carnaval tin tanto actividad y celebracion cu tin algun aspecto negativo cu a drenta e evento popular aki. Pero nos por evita esakinan segun Henny Eman. Abuso di alcohol, core bao influencia di bebida, haci cosnan riesgante cu por pone nos bida y di otro na peliger, ta algun di e cosnan cu por evita.

Henny Eman: "Nos por goza y celebra masha bon mes sin cai den excesonan cu por tin consecucionan tristo. Mucho hopi accidente ta socede pa motibo cu hende ta core despues di a bebe mucho hopi. Ora di celebra-

cion di carnaval tin mucho situacion cu nos ta lubida cu nos ta duna ehempel na nos jiunan cu loke nos haci, bon of malo. Y tanto nos jiunan chikito como nos grandinan y esnan cu ta malo na cama, mester keda haya nos atencion y cuido."

E mandatario a sigui bisa: "Mi ta convenci cu nos por celebra na grandi sin perde for di bista e seguridad di esnan cu ta depende di nos y di

nos conciudadanonan. Nos por celebra sin consecuencia negativo."

Cu otro palabra segun promer minister Eman, nos por celebra, pasa pret, goza sin cu tin cu lamenta despues. Un pensamento cu ta vale la pena tuma como guia den e dianan aki. Minister Presidente finalmente a desea henter Pueblo un celebracion di carnaval bunita y tur cos lo bay bon pa nos tur.

Minister Tico Croes

GOBIERNO TA TRAHANDO RIBA UN SOLUCION PA IMPORTACION DI WEBÓ

ORANJESTAD(AAN) -- Durante conferencia di prensa di gobierno, Minister di Asuntonan Economico, Tico Croes, a duna di conoce cu diadomingo cu a pasa e tabatin un reunion cu Agustin Yarzagaray riba e asunto di importacion di webo.

Minister Croes a apunta

Yarzagaray como su consehero riba e asunto aki.

Yarzagaray a keda di traha riba un solucion pa cu e problema di importacion di webo.

E mandatario ta spera cu pa otro siman por tin un solucion pa cu e problema reinante.



BO A PERDE ?
CARNAVAL

PASOBRA MOTOR
DI BO AUTO A

YE YE YE YE
YE YE YE
YE YE
ATROBE

DEKA
BATERIES

216 AUTO CENTER

DE LA SALLESTRAAT ZN
TEL: 30350 / 34432
FAX: 30250

DIALUNA - DIASABRA
8.30 - 12.30 2 - 6

DRENTA SALI !!

